



Broj: 101-1-3942 /24

Datum: 22.10.2024

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14 i 59/22), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-3923/24 od 21.10.2024. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Nabavka računarske opreme“

LOT 2 - Nabavka računarske opreme za potrebe Nastavničkog fakulteta

I

Prihvata se preporuka Komisije za javnu nabavku u postupku javne nabavke računarske opreme za LOT21: „Nabavka računarske opreme za potrebe Nastavničkog fakulteta“, broj: 180-3923/24 od 21.10.2024. godine i ugovor o nabavci računarske opreme za LOT 2 se dodjeljuje ponuđaču **“ELUR“ d.o.o. Kiseljak, Žrtava domovinskog rata 2, 71250 Kiseljak**, u skladu s ponudom broj: 1777-2/24 od 15.10.2024. godine.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom od 9.995,00 KM bez PDV-a.

III

Izabrani ponuđač je dužan dostaviti dokumente u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14 i 59/22), potvrđenih u izjavi iz Aneksa 3 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14 i 59/22).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14 i 59/22).



Obrazloženje

Odlukom broj: 101-1-3516/24 od 19.9.2024. godine pokrenut je postupak javne nabavke računarske opreme za potrebe Univerziteta, putem otvorenog postupka. Komisija za provođenje postupka javne nabavke, imenovana je Odlukom broj: 101-1-3517/24 od 19.9.2024. godine.

U skladu sa Odlukom o pokretanju nabavke ukupna procijenjena vrijednost nabavke bez PDV-a iznosi 13.600,00 KM, a predmetna nabavka je podijeljena na 3 lota. Procijenjena vrijednost nabavke za LOT 2 iznosi: 10.000,00 KM bez PDV-a. Obavještenje o nabavci broj: 66-1-1-109-3-41/24 objavljeno je na portalu javnih nabavki dana 20.9.2024. godine, zajedno s tenderskom dokumentacijom broj: 101-1-3518/24.

Izmjena Tenderske dokumentacije u pogledu datuma za prijem ponuda i datuma otvaranja ponuda objavljena je na portalu javnih nabavki 8.10.2024. godine, uz Ispravku za obavještenje o nabavci broj: 66-1-1-109-8-48/24 od 8.10.2024. godine.

U skladu sa Tenderskom dokumentacijom i obavještenjima o nabavci dana 16.10.2024. godine sa početkom u 12:15 sati održano je javno otvaranje ponuda. U predviđenom roku za prijem ponuda (16.10.2024. godine do 12:00 sati) zaprimljene su 2 (dvije) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-3786/24	NEUTRINO d.o.o.	9.10.2024. godine u 11:23 sati
2.	180-3856/24	ELUR d.o.o.	16.10.2024. godine u 9:58 sati

Komisija je na zatvorenom sastanku izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji, kao i analizu ponuda vezano za ispunjenje zahtjeva u pogledu opisa predmeta nabavke i obrasca za cijenu ponude.

Nakon izvršenog pregleda ponuda Komisija je jednoglasno konstatovala sljedeće:

Ponuda ponuđača „NEUTRINO” d.o.o. je ocijenjena kao nepravilna jer nije u skladu s tenderskom dokumentacijom.

Naime, uvidom u ponudu, odnosno tehničku specifikaciju ponuđene robe ustanovljeno je da ista ne odgovara minimalnoj traženoj tehničkoj specifikaciji, iz sljedećih razloga:

- u tenderskoj dokumentaciji za stavku 2. Laptop, zahtijevan je minimalni osnovni radni takt procesora od 3,3 GHZ, dok je ponuđač ponudio laptop s osnovnim radnim taktom od 2,0 GHZ;
- u tenderskoj dokumentaciji za stavku 2. Laptop, zahtijevano je 10 fizičkih jezgri procesora, dok je ponuđač ponudio laptop s 6 fizičkih jezgri.

Članom 57. stav 1) Zakona o javnim nabavkama BiH i tačkom 19. Tenderske dokumentacije u postupku propisano je da se ponuđač pridržava zahtjeva i uslova iz tenderske dokumentacije. U tenderskoj dokumentaciji je također navedeno da roba treba odgovarati tehničkim karakteristikama, biti istih ili boljih karakteristika od zahtijevane.



U skladu sa članom 2. stav 1) tačka l) alineja 3) Zakona o javnim nabavkama („Službeni glasnik BiH“, broj: 39/14, 59/22 i 50/24), ponuda je ocijenjena kao nepravilna jer ne ispunjava uslove u pogledu opisa predmeta nabavke i tehničke specifikacije.

Ponuda ponuđača „ELUR“ d.o.o. je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 9.995,00 KM bez PDV-a. Ponuđač nije dao popust na cijenu.

Nije bilo osnova za ispravku računске greške u kompletnoj i prihvatljivoj ponudi.

Tačkom 30. Tenderske dokumentacije u predmetnom postupku je predviđeno održavanje e-aukcije za ovaj postupak nabavke, ali kako je pristigla samo jedna prihvatljiva ponuda, e-aukcija nije ni zakazana, u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23).

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor dodijeli ponuđaču „ELUR“ d.o.o. **Kiseljak**, sa ukupnom cijenom ponude **u iznosu od 9.995,00 KM bez PDV-a** Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je ocijenjena kao najpovoljnija u skladu s postavljenim kriterijem najniža cijena.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi u tri primjerka.

Dostaviti:

1. Ponuđaču: „ELUR“ d.o.o. Kiseljak
2. Ponuđaču: „NEUTRINO“ d.o.o.
3. Nastavničkom fakultetu
4. Arhiva javnih nabavki
5. a/a

REKTORICA


prof. dr. Alena Huseinbegović

